

ს 85  
1988

ISSN 0203—2023



კროლერაგო  
შვილა  
ქვეყნისა,  
შეერთდით!



საქართველოს

საბჭოთა

სოციალისტური

რესპუბლიკის

№ 2

1 9 8 8

უმაღლესი საბჭოს

უწყებები

საქართველოს სსრ უმაღლესი საბჭოს გამოსევა

თ ბ ი ლ ი ს ი

საქართველოს საბჭოთა სოციალისტური რესპუბლიკის  
უმაღლესი საბჭოს  
უწყებები



№ 2 (571)

თბაქვანი

1988 წელი

შ ი ნ ა ა რ ს ი

ბანყოფილება პირველი

15. საქართველოს სსრ უმაღლესი საბჭოს პრეზიდიუმის ბრძანებულება ქ. თბილისის ორჯონიკიძის რაიონის № 57 ვაჟა-ფშაველას, ლაგოდეხის რაიონის № 213 ლაგოდეხის, თერჯოლის რაიონის № 255 ჭოგნარის, ჩხოროწყის რაიონის № 345 ლესიჭინის და ქალაქ გაგრის № 370 კურორტის საარჩევნო ოლქებში საქართველოს სსრ მეტერთმეტე მოწვევის უმაღლესი საბჭოს დეპუტატების არჩევნების შესახებ.
16. საქართველოს სსრ უმაღლესი საბჭოს პრეზიდიუმის ბრძანებულება საქართველოს სსრ სამოქალაქო სამართლის საპროცესო კოდექსში ცვლილებათა შეტანის შესახებ.
17. საქართველოს სსრ უმაღლესი საბჭოს პრეზიდიუმის დადგენილება სკკპ XXVII ყრილობის გადაწყვეტილებათა შესაბამისად ქალაქის სოციალურ-ეკონომიკური განვითარების, მოსახლეობის საბინაო-საყოფაცხოვრებო პირობების გაუმჯობესებისათვის ბათუმის სახალხო დეპუტატთა საქალაქო საბჭოს, მისი აღმასკომის მუშაობის შესახებ.

ბანყოფილება მეორე

18. საქართველოს სსრ უმაღლესი საბჭოს პრეზიდიუმის ბრძანებულება ამხ. თ. დ. კვინიკიძის მედლით „ხანძარზე მამაცობისათვის“ დაჯილდოების შესახებ.
19. საქართველოს სსრ უმაღლესი საბჭოს პრეზიდიუმის ბრძანებულება საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ.



განყოფილება მისამ

საქართველოს სსრ უმაღლესი საბჭოს პრეზიდიუმის სხდომა.

საქართველოს სსრ უმაღლესი საბჭოს მუდმივი კომისიების სხდომები.

სახალხო სასამართლოს სახალხო მოსამართლის არჩევნები.

18920

ქვე. სსრ კ. მარქსის  
სახ. ხან. რეაუმა  
პეპლო მოთმება

## ბანუოვილება პირველი

საქართველოს სსრ უმაღლესი საბჭოს პრეზიდიუმის ბრძანებულება

**15** ქ. თბილისის ორჯონიკიძის რაიონის № 57 ვაჟა-ფშაველას, ლავოღვის რაიონის № 213 ლავოღვის, თერჯოლის რაიონის № 255 ჰოგნარის, ჩხოროწყუს რაიონის № 345 ლესიჭინის და ქალაქ გაბრის № 370 კურორტის საარჩევნო ოლქებში საქართველოს სსრ მეთერთმეტე მოწვევის უმაღლესი საბჭოს დეპუტატების არჩევნების შესახებ

საქართველოს სსრ უმაღლესი საბჭოს პრეზიდიუმი ადგენს:

„საქართველოს სსრ უმაღლესი საბჭოს არჩევნების შესახებ“ საქართველოს სსრ კანონის 56-ე მუხლის შესაბამისად დაინიშნოს საქართველოს სსრ მეთერთმეტე მოწვევის უმაღლესი საბჭოს დეპუტატების არჩევნები ქალაქ თბილისის ორჯონიკიძის რაიონის № 57 ვაჟა-ფშაველას, ლავოღვის რაიონის № 213 ლავოღვის, თერჯოლის რაიონის № 255 ჰოგნარის, ჩხოროწყუს რაიონის № 345 ლესიჭინის და ქალაქ გაბრის № 370 კურორტის საარჩევნო ოლქებში კვირა, 1988 წლის 13 მარტს.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 12 თებერვალი.

№ 1603—XI

საქართველოს სსრ უმაღლესი საბჭოს პრეზიდიუმის ბრძანებულება

**16** საქართველოს სსრ სამოქალაქო სამართლის საპროცესო კოდექსში ცვლილებათა შეტანის შესახებ

„სსრ კავშირის სავაჭრო-სამრეწველო პალატასთან არსებული საარბიტრაჟო სასამართლოს შესახებ“ სსრ კავშირის უმაღლესი საბჭოს პრეზიდიუმის 1987 წლის 14 დეკემბრის ბრძანებულებასთან დაკავშირებით საქართველოს სსრ უმაღლესი საბჭოს პრეზიდიუმი ადგენს:

შეტანილ იქნეს საქართველოს სსრ 1964 წლის 26 დეკემბრის კანონით დამტკიცებულ საქართველოს სსრ სამოქალაქო სამართლის საპროცესო კოდექსში (საქართველოს სსრ უმაღლესი საბჭოს უწყებები, 1964 წ., № 36, მუს. 662) შემდეგი ცვლილებები:

1. მე-18 მუხლი ჩამოყალიბდეს შემდეგი რედაქციით:

„მუხლი 18. დავის გადაცემა სამედიატორო სასამართლოს გადასაწყვეტად კანონით ან საერთაშორისო ხელშეკრულებით გათვალისწინებულ შემთხვევებში სამოქალაქო სამართლებრივი ურთიერთობებიდან წარმოშობილი დავა, მხარეთა შეთანხმებით, შეიძლება გადასაწყვეტად გადაეცეს სამედიატორო სასამართლოს, სსრ კავშირის სავაჭრო-სამრეწველო პალატასთან არსებულ საზღვაო საარბიტრაჟო კომისიას ან საარბიტრაჟო სასამართლოს.“

2. 352-ე მუხლის:

მე-7 პუნქტში სიტყვები „სსრ კავშირის სავაჭრო-სამრეწველო პალატასთან არსებული საზღვაო და საგარეო ვაჭრობის საარბიტრაჟო კომისიების“ შეიცვალოს სიტყვებით „სსრ კავშირის სავაჭრო-სამრეწველო პალატასთან არსებული საზღვაო საარბიტრაჟო კომისიისა და საარბიტრაჟო სასამართლოს“;

მე-12 პუნქტში სიტყვები „პროფესიული კავშირების საფაბრიკო, საქარხნო, ადგილობრივი კომიტეტების“ შეიცვალოს სიტყვებით „საწარმოთა, დაწესებულებათა, ორგანიზაციათა პროფკავშირის კომიტეტების“.

3. 353-ე მუხლის:

პირველ პუნქტში სიტყვები „სავაჭრო ვაჭრობის საარბიტრაჟო კომისიისა“ შეიცვალოს სიტყვებით „სსრ კავშირის სავაჭრო-სამრეწველო პალატასთან არსებული საარბიტრაჟო სასამართლოსა“;

მე-6 პუნქტში სიტყვები „პროფესიული კავშირების საფაბრიკო, საქარხნო, ადგილობრივი კომიტეტების“ შეიცვალოს სიტყვებით „საწარმოთა, დაწესებულებათა, ორგანიზაციათა პროფკავშირის კომიტეტების“.

საქართველოს სსრ უმაღლესი საბჭოს პრეზიდიუმის თავმჯდომარე პ. პილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 19 თებერვალი.

№ 1606—XI

საქართველოს სსრ უმაღლესი საბჭოს პრეზიდიუმის დადგენილება

**17** სკკპ XXVII ყრილობის გადაწყვეტილებათა შესაბამისად ქალაქის სოციალურ-მკონომიკური განვითარების, მოსახლეობის საბინაო-საყოფაცხოვრებო პირობების გაუმჯობესებისათვის გათვალისწინებული ღონისძიებების განხორციელების მიზნით, მისი აღმასკომის მუშაობის შესახებ

საქართველოს სსრ უმაღლესი საბჭოს პრეზიდიუმი აღნიშნავს, რომ ბათუმის სახალხო დეპუტატთა საქალაქო საბჭო და მისი აღმასრულებელი კომიტეტი, პარტიული ორგანოების ხელმძღვანელობით, ასრულებენ რა სკკპ XXVII ყრილობის გადაწყვეტილებებს, ორგანიზატორულ საქმიანობას წარ-



მართავენ ქალაქის შემდგომი სოციალურ-ეკონომიკური განვითარებისათვის მიმდინარეობს მუშაობა რადიკალური ეკონომიკური რეფორმის განსახორციელებლად. სულ უფრო მეტი ყურადღება ეთმობა დემოკრატიული საწყისების გაფართოებას საბჭოთა და საშემურნეო ორგანოების საქმიანობაში, ეკონომიკური და სოციალური ამოცანების კომპლექსურ გადაწყვეტას, მოსახლეობის საბინაო-საყოფაცხოვრებო პირობების გაუმჯობესებას. შემუშავდა და დამტკიცდა 2000 წლამდე მოქალაქეთა საცხოვრებელი ბინებით უზრუნველყოფის პერსპექტიული გეგმა. უკანასკნელ წლებში გაიზარდა არასაწარმოო მშენებლობის, მათ შორის საცხოვრებელი სახლების მშენებლობის მოცულობა. დაინერგა საცხოვრებელი სახლების ახალი ტიპური პროექტები, გადაიჭრა სახლ-სამშენებელი კომბინატის რეკონსტრუქციის საკითხი, გამკაცრდა კონტროლი და მომთხოვნელობა საბინაო მშენებლობის ხარისხისადმი, საბინაო ფონდის განაწილებისადმი. ათასობით ბათუმელმა მიიღო კეთილმოწყობილი ბინა. აშენდა ზოგადსაგანმანათლებლო და სპორტული სკოლები, საბავშვო ბაღები, აღმზრდელობით-გამაჯანსაღებელი კომპლექსი, სხვა სოციალურ-საყოფაცხოვრებო ობიექტები.

ამასთან ბათუმის სახალხო დემუტატთა საბჭოს, მისი აღმასკომის მუშაობა ქალაქის კომპლექსური სოციალურ-ეკონომიკური განვითარების უზრუნველყოფის, მოსახლეობის საბინაო-საყოფაცხოვრებო პირობების გაუმჯობესებისათვის კვლავ ვერ უპასუხებს სკკპ XXVII ყრილობის, პარტიისა და მთავრობის ცნობილ დადგენილებათა მოთხოვნებს.

ნელა უმჯობესდება კაპიტალური მშენებლობის მართვა. 1987 წელს არ შესრულდა კაპიტალური მშენებლობის გეგმები ყველა მაჩვენებლის მიხედვით. სისტემატურად ირღვევა მშენებლობის ნორმატიული ვადები. ქალაქში არსებული სხვადასხვა უწყებრივი დაქვემდებარების საწარმოთა და ორგანიზაციათა სახსრები წილობრივი მონაწილეობის წესით სათანადოდ არ გამოიყენება სამშენებლო ინდუსტრიის საწარმოთა სიმძლავრის განვითარების, სოციალურ-კულტურული და კომუნალურ-საყოფაცხოვრებო ობიექტების მშენებლობისათვის. ცოტა შენდება საცხოვრებელი სახლები საშემურნეო და ინდივიდუალური წესით, მცირეა საბინაო-სამშენებლო კოოპერატივების რაოდენობა და ეს მაშინ, როდესაც ქალაქს არ ჰყოფნის სიმძლავრეები სულ უფრო მზარდი საბინაო მშენებლობისათვის. ყოველწლიურად საშუალოდ შენდება მხოლოდ 60-70 ათასი კვადრატული მეტრი საცხოვრებელი ფართობი, ნაცვლად 2000 წლამდე პროგრამით გათვალისწინებული 130 ათასი კვადრატული მეტრისა. საბინაო პირობების გაუმჯობესების აღრიცხვაზე ამჟამად 5 ათასი ოჯახია, ორი ათასი ოჯახი მოძველებულ და ავარიულ სახლებში ცხოვრობს. წლებულს ბინით დააკმაყოფილებენ მხოლოდ 1961-1962 წლიდან აღრიცხვაზე მყოფ მოქალაქეებს.

საბინაო მშენებლობაში არსებულ მწვავე მდგომარეობას უფრო ამძაფრებს ბინების აღრიცხვა-განაწილების დაშვებული შეცდომები და უკანონობა, რის შედეგადაც იმატა საჩივრებმა. სწორედ ამან განაპირობა საკითხის განხილვა პრეზიდიუმის სხდომაზე.



კომუნალური მომსახურება კვლავ რჩება ერთ-ერთ ყველაზე პრობლემად; კომუნალური მშენებლობა მკვეთრად ჩამორჩება საბინაოს. ახალ საცხოვრებელ მიკრორაიონებში მცირეა სავაჭრო, საყოფაცხოვრებო მომსახურებისა და სპორტის ობიექტები, კულტურის დაწესებულებები. ხარვეზებია გაზით, წყლით, სათბობით, ცხელი წყლით, ელექტროენერგიით უზრუნველყოფაში. თანამედროვე მოთხოვნებს ვერ უპასუხებს საბინაო ფონდის მოვლა-პატრონობის, მოსახლეობის კომუნალური მომსახურების გაუმჯობესებისათვის აღმასკომისა და მისი შესაბამისი სამსახურების მიერ განხორციელებული ღონისძიებები. შეფერხებები მოსახლეობის ელემენტარული მოთხოვნილებების დაკმაყოფილებაში ხელს უწყობს საჩივრების წარმოშობას.

საბინაო პრობლემის გამწვავება იმანაც განაპირობა, რომ ხშირად ირღვევა საპასპორტო რეჟიმის მოთხოვნები, განსაკუთრებით კი ბარაკებში, სარდაფებსა და სხვა შეუფერებელ ბინებში მოქალაქეთა ჩაწერისას, ხოლო საბინაო პირობების გაუმჯობესების აღრიცხვაზე აყვანისა და ბინების განაწილების დროს — სოციალური სამართლიანობის პრინციპები. საერთო და საუწყებო აღრიცხვის სიების დაზუსტებისას გამოვლინდა და საბინაო აღრიცხვიდან მოიხსნა მასზე უკანონოდ მყოფი 620 ოჯახი. უკანასკნელ წლებში მკვეთრად იმატა ახლად აშენებულ საცხოვრებელ სახლებში მოქალაქეთა თვითნებური შეჭრისა და ბინების უკანონოდ დაკავების შემთხვევებმა, რაც აგრეთვე საჩივარ-განცხადებათა რიცხვის ზრდის ერთ-ერთი მიზეზია.

სერიოზული ნაკლოვანებებია ქალაქის ქუჩების, მოედნების, სკვერების კეთილმოწყობასა და გამწვანებაში. უკანასკნელ წლებში მკვეთრად გაუარესდა ეკოლოგიური ვითარება.

ქალაქის კეთილმოწყობაში, ვაჭრობის, საზოგადოებრივი კვების, ჯანმრთელობის დაცვის, კავშირგაბმულობის, კომუნალური, საყოფაცხოვრებო, სატრანსპორტო მომსახურების ორგანიზაციაში არსებული სერიოზული ხარვეზები, ეკოლოგიური პრობლემები ბევრ სიძნელეს უქმნის დამსვენებელთა საკურორტო მომსახურებას, აქვეითებს მის ხარისხს.

საქალაქო საბჭოს სესიებზე ყოველთვის პრინციპულად არ ანალიზდება ზემდგომი დაქვემდებარების საწარმოებისა და ორგანიზაციების წვლილი ქალაქის პრობლემების გადაჭრაში, ხშირად სათანადო შეფასება არ ეძლევა ცალკეული მათგანის მიერ პროდუქციის წარმოებისა და რეალიზაციის გეგმების შეუსრულებლობის ფაქტებს. სუსტად გამოიყენება კონტროლის ისეთი მნიშვნელოვანი და ქმედითი ფორმა, როგორცაა დეპუტატთა მიერ შეკითხვის წესით საკითხის დაყენება. სესიებსა თუ აღმასკომის სხდომებზე სხვადასხვა საჭირობორტო აქტუალური საკითხების განხილვა ძირითადად სამეურნეო ხასიათს ატარებს. კონკრეტულად და პრინციპულად არ ფასდება დეპუტატი ხელმძღვანელების, მუდმივი კომისიებისა და დეპუტატთა ჯგუფების, აღმასკომის ცალკეული სამსახურებისა და მიკრორაიონთა საბჭოების წვლილი.

კვლავ დიდია აღმასკომის სხდომებზე განხილული საკითხების რაოდენობა, არ არის მიღებული გადაწყვეტილებების შესრულების ორგანიზაციისა და კონტროლის მწყობრი სისტემა. ბევრი დეპუტატი არ იჩენს სათანადო აქტიუ-



რობას, რის გამოც საქალაქო საბჭოსა და მისი აღმასკომის, დეპუტატთა კომისიების, ჯგუფებისა და საგუშაგოების მუშაობაში მონაწილეობს მხოლოდ მათი ერთი მეოთხედი. 14 მუდმივი კომისიიდან მხოლოდ ორ-სამს შეუძლია იმსჯელოს თავისი საქმიანობის რეალურ შედეგებზე. კომისიებისა და დეპუტატთა ჯგუფების უმეტესობა კმაყოფილდება სხვადასხვა მასშტაბურ საკითხებზე ზოგადი მსჯელობითა და ფაქტების კონსტატაციით, არ შეიშუშავენს ცალკეულ უბნებზე საქმის გამოსწორების კონკრეტულ და დასაბუთებულ რეკომენდაციებს.

ქალაქის სოციალურ-ეკონომიკური განვითარებისათვის გაწეულ მუშაობას აკლია საჯაროობა. შრომითი კოლექტივებისა და მოსახლეობის წინაშე საქალაქო საბჭოს, მისი აღმასკომის, ქალაქის სხვადასხვა სამსახურების ხელმძღვანელთა, მუდმივი კომისიებისა და დეპუტატთა ჯგუფების, დეპუტატების ანგარიშგებაში არის ზერელობა და ფორმალიზმი. ვახუთ „საბჭოთა აპარატი“ სუსტად შუქდება ბათუმის საქალაქო საბჭოს საქმიანობა ამ მიმართებით. ჭეროვანი ყურადღება არ ეთმობა მშრომელთა სამართლებრივ აღზრდას. ნელა უმჯობესდება მოსახლეობის, განსაკუთრებით კი ახალგაზრდობის, კულტურული დასვენების ორგანიზაცია.

საქართველოს სსრ უმაღლესი საბჭოს პრეზიდიუმი ადგენს:

1. ბათუმის სახალხო დეპუტატთა საქალაქო საბჭომ, ხელმძღვანელობს ჩაპარტიის XXVII ყრილობის გადაწყვეტილებებით, სოციალურ-ეკონომიკური განვითარების დაჩქარებისათვის სახალხო დეპუტატთა საბჭოების როლის შემდგომი გაზრდისა და პასუხისმგებლობის გაძლიერების ღონისძიებათა შესახებ სკკპ ცენტრალური კომიტეტის, სსრ კავშირის უმაღლესი საბჭოს პრეზიდიუმისა და სსრ კავშირის მინისტრთა საბჭოს დადგენილებით, ძირეულად გარდაქმნას ორგანიზატორული მუშაობა ქალაქის კომპლექსური ეკონომიკურ-სოციალური განვითარებისა და მოსახლეობის საბინაო-საყოფაცხოვრებო პირობების განუხრელი გაუმჯობესების უზრუნველსაყოფად; აქტიურად გამოიყენოს კანონმდებლობით მინიჭებული უფლებები საზოგადოებრივი წარმოების ტემპის ზრდის, მისი ეფექტიანობის ამაღლების, შრომითი კოლექტივებისა და მოსახლეობის სოციალურ-საყოფაცხოვრებო მოთხოვნილებების უფრო სრულად დაკმაყოფილებისათვის; განავითაროს დემოკრატიული საწყისები საბჭოთა და სამეურნეო ორგანოების მუშაობაში; აღმოფხვრას ამ დადგენილებაში აღნიშნული ნაკლოვანებები, რისთვისაც განუხრელად გაზარდოს საქალაქო საბჭოს სესიების, არჩევითი აქტივის, დეპუტატების, დეპუტატთა კომისიებისა და ჯგუფების, საზოგადოებრივი თვითმოქმედების ორგანოების როლი სოციალურ-ეკონომიკური განვითარების საკითხების გადაწყვეტაში.

2. ბათუმის სახალხო დეპუტატთა საქალაქო საბჭოს აღმასკომმა (ამბ. რ. დოლიძე):

— უფრო ინტენსიურად გარდაქმნას მუშაობის სტილი და მეთოდები, შექმნას მაღალი მომთხოვნელობის, საჯაროობის ვითარება; გააძლიეროს ზემოქმედება გაერთიანებების, საწარმოებისა და ორგანიზაციების გეგმების ჩა-



მოყალიბებასა და შესრულებაზე, მიიზიდოს მათი საშუალებები და რესურსები საწარმოო და არასაწარმოო ინფრასტრუქტურის ობიექტების ერთობლივი მშენებლობისა და ექსპლუატაციისათვის;

— საქართველოს სსრ მეთერთმეტე მოწვევის უმაღლესი საბჭოს მეექვსე სესიის დადგენილების შესაბამისად გააუმჯობესოს სამშენებლო-სამონტაჟო ორგანიზაციების სიმძლავრეებისა და მათი დატვირთვის შეთანასწორება, შეამციროს დაუმთავრებელი მშენებლობის მოცულობა ძალებისა და საშუალებების თავმოყრის, მშენებლობის ნორმატიული ვადების მკაცრი დაცვის გზით; გააფართოოს სამშენებლო ინდუსტრიისა და საშენ მასალათა მრეწველობის სიმძლავრეთა განვითარებაში გეგმითიანების, საწარმოებისა და ორგანიზაციების წილობრივი მონაწილეობის პრაქტიკა; თანამიმდევრულად განახორციელოს კეთილმოწყობილი ბინებით მოქალაქეთა უზრუნველყოფის, მათი შინა-არსიანი დასვენების ორგანიზაციის, მომსახურების სფეროს ყველა დარგის მუშაობის თვისებრივი გაუმჯობესების ღონისძიებები; უზრუნველყოს საბინაო და მომსახურების ობიექტების მშენებლობაზე გამოყოფილი სახსრების დროული ათვისება. მეტი ყურადღება დაუთმოს საცხოვრებელი სახლების სამეურნეო წესით მშენებლობას, აგრეთვე კოოპერაციულ და ინდივიდუალურ საბინაო მშენებლობას;

— უზრუნველყოს საწარმოებში, ორგანიზაციებსა და დაწესებულებებში ფართო საჯაროება საბინაო პირობებგასაუმჯობესებელთა აღრიცხვისა და ბინების განაწილების საქმეში;

— მკაცრად დაიცვას კანონიერება, სოციალური სამართლიანობის პრინციპები; აამაღლოს შრომითი კოლექტივების, მათი ხელმძღვანელების პასუხისმგებლობა ბინების განაწილებაში დარღვევებისა და მათი თანამშრომლების მიერ ახალი ბინების უკანონოდ დაკავების ფაქტების აღკვეთისათვის;

— განახორციელოს სურსათით მოსახლეობის მომარაგების გაუმჯობესების ღონისძიებები; ხელი შეუწყოს გაერთიანებების, საწარმოებისა და ორგანიზაციების დამხმარე მეურნეობების, კოლექტიური მეზაღეობისა და მოქალაქეთა პირად დამხმარე მეურნეობათა განვითარებას;

— კოორდინაცია გაუწიოს სახალხო მოხმარების საქონლის წარმოების განვითარების კომპლექსური პროგრამის განხორციელებას, განსაკუთრებული ყურადღება დაუთმოს მისი ხარისხის გაუმჯობესებასა და ასორტიმენტის გაფართოებას, ადგილობრივი და მეორეული ნედლეულისაგან სახალხო მოხმარების საგნების წარმოების დამატებითი რეზერვების ძიებას, აგრეთვე ფასიანი მომსახურების სახეობათა მრავალფეროვნებას.

3. ბათუმის სახალხო დეპუტატთა საქალაქო საბჭოს აღმასკომმა ამ დადგენილების შესრულების მიმდინარეობის შესახებ მოახსენოს საქართველოს სსრ უმაღლესი საბჭოს პრეზიდიუმს 1989 წლის II კვარტალში.

4. საქართველოს სსრ მინისტრთა საბჭომ განიხილოს ბათუმის სახალხო დეპუტატთა საქალაქო საბჭოს აღმასკომის თავმჯდომარის ამხ. რ. დოლიძის მოხსენებით ბარათში დასმული საკითხები და მიიღოს შესაბამისი გადაწყვეტილება.

5. რესპუბლიკის სახალხო დეპუტატთა საბჭოებმა განსაკუთრებული ყურადღება დაუთმონ საბინაო მშენებლობას, ბინების აღრიცხვასა და განაწილებას იმის გათვალისწინებით, რომ საბინაო პრობლემის დაჩქარებით და სამართლიანად გადაჭრა ბევრადაა დამოკიდებული ამ საქმეში კანონმდებლობის მკაცრად დაცვისა და საჯაროობაზე.

6. კონტროლი აღნიშნული დადგენილების შესრულების მიმდინარეობისადმი დაევალოს საქართველოს სსრ უმაღლესი საბჭოს პრეზიდიუმის საბჭოების მუშაობის საკითხების განყოფილებას.

საქართველოს სსრ უმაღლესი საბჭოს პრეზიდიუმის თავმჯდომარე პ. ბილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 25 თებერვალი.

№ 1610—XI

### განყოფილება მეორე

საქართველოს სსრ უმაღლესი საბჭოს პრეზიდიუმის ბრძანებულება

## 18 ანხ. თ. დ. კვინიკაძის მედლით „ხანძარზე მამაცობისათვის“ დაჯილდოების შესახებ

ხანძრის ჩაქრობისა და აღმართა გადარჩენის დროს გამოჩენილი გამბედაობის, მამაცობისა და თავგანწირვისათვის სსრ კავშირის უმაღლესი საბჭოს პრეზიდიუმის სახელით საწარმოო გაერთიანება „თეთრონის“ გენერალური დირექტორი ანხ. თამაზ დიმიტრის ძე კვინიკაძე დაჯილდოვდეს მედლით „ხანძარზე მამაცობისათვის“.

საქართველოს სსრ უმაღლესი საბჭოს პრეზიდიუმის თავმჯდომარე პ. ბილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 22 თებერვალი.

№ 1607—XI

საქართველოს სსრ უმაღლესი საბჭოს პრეზიდიუმის ბრძანებულება

## 19 საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

სსრ კავშირის სახელმწიფო უშიშროების უზრუნველყოფაში წვლილისა და სრულიად რუსეთის საგანგებო კომისიის — სახელმწიფო უშიშროების კო-

მიტეტის 70 წლისთავთან დაკავშირებით საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოვდნენ:

- ანატოლი სტეფანეს ძე დემიდენკო — პოდპოლკოვნიკი.
- ბორის ვიქტორის ძე ეგურნოვი — მაიორი.
- ლეონიდე მიხეილის ძე იცკოვსკი — პრაპორშჩიკი.
- ივანე ანდრიას ძე სიჩევი — უფროსი პრაპორშჩიკი.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1596—XI

საქართველოს სსრ უმაღლესი საბჭოს პრეზიდიუმის ბრძანებულება

**20** ამხ. ნ. დ. ანდლულაძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

ქართული საბჭოთა მუსიკალური კულტურის განვითარებაში დამსახურებისათვის და დაბადების სამოც წელთან დაკავშირებით საქართველოს სსრ სახალხო არტისტი ნოდარ დავითის ძე ანდლულაძე დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1596—XI

საქართველოს სსრ უმაღლესი საბჭოს პრეზიდიუმის ბრძანებულება

**21** ამხ. ზ. ი. დიდიშვილის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

პროფკავშირულ ორგანოებში აქტიური და ნაყოფიერი მუშაობისათვის და დაბადების ორმოცდაათ წელთან დაკავშირებით კავშირგაბმულობის მუშაობა პროფკავშირის საქართველოს რესპუბლიკური კომიტეტის თავმჯდომარე

რე ამხ. ზურაბ ისაკის ძე დიდიშვილი დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1594—XI

საპარტიველოს სსრ უმაღლესი საბჭოს პრეზიდიუმის ბრძანებულება

**22** ამხ. გ. გ. ლაზიაშვილის საპარტიველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

სსრ კავშირის სახელმწიფო საზღვრის დასაცავად გაწეული ხანგრძლივი უმწიკვლო სამსახურისა და სასაზღვრო რაიონების მოსახლეობის პატრიოტული სულისკვეთებით აღსაზრდელად აქტიური მუშაობისათვის ამიერკავკასიის სასაზღვრო ოლქის სასაზღვრო რაზმის სასაზღვრო კომენდატურის კომენდანიტი ამხ. გრიგოლ გიორგის ძე ლაზიაშვილი დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1591—XI

საპარტიველოს სსრ უმაღლესი საბჭოს პრეზიდიუმის ბრძანებულება

**23** ამხ. ე. ს. მენაბდიშვილის საპარტიველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

პარტიის პოლიტიკის პროპაგანდისათვის გაწეული ნაყოფიერი მუშაობისათვის, საზოგადოებრივი აზრის შესწავლაში აქტიური მონაწილეობისათვის საქართველოს კომპარტიის ცენტრალურ კომიტეტთან არსებული საზოგადოებრივი აზრის შესწავლის ცენტრის სწავლული მდივანი ამხ. ელგუჯა სოლო-

მონის ძე მენაბდიშვილი დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი,  
№ 1590—XI

საქართველოს სსრ უმაღლესი საბჭოს პრეზიდიუმის ბრძანებულება

**24** ამხ. თ. გ. მონცელიძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

მშენებლობის დარგში ხანგრძლივი ნაყოფიერი მუშაობისათვის და დაბადების სამოც წელთან დაკავშირებით საქმთავარმონტაჟსპეცმშენის კადრების, შრომისა და ხელფასის სამმართველოს უფროსი ამხ. თენგიზ გრიგოლის ძე მონცელიძე დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი,  
№ 1589—XI

საქართველოს სსრ უმაღლესი საბჭოს პრეზიდიუმის ბრძანებულება

**25** ამხ. რ. გ. ურჯუშელაშვილის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

პარტიულ, საბჭოთა და პროფკავშირულ ორგანოებში აქტიური ნაყოფიერი მუშაობისათვის და დაბადების ორმოცდაათ წელთან დაკავშირებით საქართველოს პროფსაბჭოს მდივანი, აგროსამრეწველო კომპლექსის მუშაკთა პროფკავშირის რესპუბლიკური კომიტეტის თავმჯდომარე ამხ. რობერტ გიორ-

გის ძე ურჯუმელაშვილი დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი პ. კვარაცხელია.

თბილისი, 1988 წლის 8 თებერვალი.

№ 1592—XI

საპარტიველო სსრ უმაღლესი საბჭოს პრეზიდიუმის ბრძანებულება

**26** ამხ. გ. ს. ფხაკაძის საპარტიველო სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

პარტიულ, საბჭოთა და პროფკავშირულ ორგანოებში აქტიური ნაყოფიერი მუშაობისათვის და დაბადების ორმოცდაათ წელთან დაკავშირებით ადგილობრივი მრეწველობისა და კომუნალურ-საყოფაცხოვრებო საწარმოების მუშათა პროფკავშირის საქართველოს რესპუბლიკური კომიტეტის თავმჯდომარე ამხ. გივი სერგოს ძე ფხაკაძე დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი პ. კვარაცხელია.

თბილისი, 1988 წლის 8 თებერვალი.

№ 1593—XI

საპარტიველო სსრ უმაღლესი საბჭოს პრეზიდიუმის ბრძანებულება

**27** რესპუბლიკის სახალხო კონტროლის ჯგუფების საპარტიველო სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

სოციალისტური კონტროლის 70 წლისთავთან დაკავშირებით და პარტიის და მთავრობის დირექტივების შესრულებისადმი კონტროლისათვის აქტიური მუშაობის გამო საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოვდნენ:

მადაროსამმართველო „ტყვარჩელის“ ცენტრალური ელექტრომექანიკური სახელოსნოების,

ქობულეთის რაიონის სოფელ ლეღვას კოლმეურნეობის,

ზნაურის რაიონის სოფელ აენევის დ. გურამიშვილის სახელობის კოლმეურნეობის,

სსრკ 50 წლისთავის სახელობის თბილისის საწარმოო გაერთიანების, ზესტაფონის ფეროშენადნობთა ქარხნის, გორის საწარმოო გაერთიანება „დილას“, ქუთაისის სახლსაშენებელი კომბინატის სახალხო კონტროლის ჯგუფები,

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 11 თებერვალი.

№ 1601—XI

საპარტიველოს სსრ უმაღლესი საბჭოს პრეზიდიუმის ბრძანებულება

**28** რესპუბლიკის სახალხო კონტროლის ორგანოების მოუხაკთა და აქტივობების საპარტიველოს სსრ უმაღლესი საბჭოს პრეზიდიუმის საკაბიო სიგელით დაჯილდოების შესახებ

სოციალისტური კონტროლის 70 წლისთავთან დაკავშირებით და სახალხო კონტროლის ორგანოებში აქტიური მუშაობისათვის საქართველოს სსრ უმაღლესი საბჭოს პრეზიდიუმის საკაბიო სიგელით დაჯილდოვდნენ:

ჯამეილა მაგარამ ყიზი აბასოვა — საქართველოს სსრ სახალხო კონტროლის კომიტეტის წევრი.

იზოლდა თეოდორის ასული ადეიშვილი — თბილისის სახელმწიფო უნივერსიტეტის სახალხო კონტროლის კომიტეტის თავმჯდომარე.

მარგელოს კარაპეტის ძე არიანი — ბოგდანოვკის რაიონის სოფ. ეშტიის კოლმეურნეობის სახალხო კონტროლის ჯგუფის თავმჯდომარე.

პეტრე პავლეს ძე გონჩაროვი — თბილისის სახალხო კონტროლის საქალაქო კომიტეტის საორგანიზაციო მუშაობის შტატგარეშე განყოფილების გამგის მოადგილე, ომისა და შრომის ვეტერანი.

ნანული გედევანის ასული ვახტანგაძე — საწარმოო გაერთიანება „ელმავალშენების“ ბათუმის ტრანსფორმატორების ქარხნის სახალხო კონტროლის ჯგუფის თავმჯდომარე.

ირინე ბორისის ასული თურქია — თბილისის ტრიკოტაჟის საწარმოო გაერთიანება „ვლდანის“ სახალხო კონტროლის ჯგუფის თავმჯდომარე.

იური ვლადიმერის ძე კვავცესკირი — ოჩამჩირის რაიონის თ. სოსელიას სახელობის მერკულის მეჩაიეობის საბჭოთა მეურნეობის სახალხო კონტროლის ჯგუფის თავმჯდომარე.



თენგიზ ნიკოლოზის ძე **მაზიაშვილი** — სიღნაღის რაიონის სოფ. ნუკრიანის პარიზის კომუნის სახელობის კოლმეურნეობის სახალხო კონტროლის ჯგუფის თავმჯდომარე.

თამარ ივანეს ასული **სამარინა** — რუსთავის მეტალურგიული ქარხნის წვრილსორტული საგლინაეი საამქროს სახალხო კონტროლის ჯგუფის თავმჯდომარე.

დარმანტი ალექსის ძე **სულაშვილი** — წითელი წყაროს რაიონის სოფ. გა-მარჯვების უდანოვის სახელობის კოლმეურნეობის სახალხო კონტროლის ჯგუფის თავმჯდომარე.

ბატრაძი გრიგოლის ძე **ჩელეხსაეი** — ცხინვალის რაიონის კ. ხეთაგურო-ვის სახელობის მეთესლეობის საბჭოთა მეურნეობის სახალხო კონტროლის ჯგუფის თავმჯდომარე.

ბორის სტეფანის ძე **შენგელია** — ცხაკაის სახალხო კონტროლის რაიონული კომიტეტის წევრი, შრომის ვეტერანი.

აბესალომ ტიმოთეს ძე **ხაინდრავა** — თბილისის სამეცნიერო-საწარმოო გა-ერთიანება „ანალიზხელსაწყოს“ სახალხო კონტროლის ჯგუფის თავმჯდომარე.

ჭიჭიკო არსენის ძე **ხომერიკი** — მახარაძის სახალხო კონტროლის რაიონული კომიტეტის შტატგარეშე მუშაკი, ომისა და შრომის ვეტერანი.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 11 თებერვალი.

№ 1602—XI

საპარტიველოს სსრ უმაღლესი საბჭოს პრეზიდიუმის ბრძანებულება

**29** ამხ. ჯ. მ. ვაშაბიძისათვის „საპარტიველოს სსრ დამსახურებული იურისტის“ საპატიო წოდების მინიჭების შესახებ

პროკურატურის ორგანოებში ხანგრძლივი ნაყოფიერი მუშაობისათვის საქართველოს სსრ პროკურატურის შრომა-გასწორების დაწესებულებებში კანონების დაცვისადმი ზედამხედველობის განყოფილების უფროსს ამხ. ჯიმშერ მიხეილის ძე ვაშაბიძეს მიენიჭოს „საქართველოს სსრ დამსახურებული იურისტის“ საპატიო წოდება.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1598—XI

სსრ კ. მარქსის  
სახ. საბ. რესპუბ.

18920

საქართველოს სსრ უმაღლესი საბჭოს პრეზიდიუმის ბრძანებულება

**30** ამხ. ა. ნ. ვაჭინისათვის „საქართველოს სსრ ხელოვნების დამსახურებული მოღვაწის“ საპატიო წოდების მინიჭების შესახებ

მუსიკალური ხელოვნების პროპაგანდაში დამსახურებისათვის ამიერკავკასიის წითელდროშოვანი სამხედრო ოლქის სიმღერისა და ცეკვის ანსამბლის უფროსს — სამხატვრო ხელმძღვანელს ამხ. ალექსანდრე ნიკოლოზის ძე ვაჭინს მიენიჭოს „საქართველოს სსრ ხელოვნების დამსახურებული მოღვაწის“ საპატიო წოდება.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
 საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1597—XI

საქართველოს სსრ უმაღლესი საბჭოს პრეზიდიუმის ბრძანებულება

**31** ამხ. რ. მ. თედორაძისათვის „საქართველოს სსრ კულტურის დამსახურებული მუშაკის“ საპატიო წოდების მინიჭების შესახებ

კულტურის დარგში ხანგრძლივი ნაყოფიერი მუშაობისათვის ჩონატაურის სახალხო დეპუტატთა რაიონული საბჭოს აღმასკომის კულტურის განყოფილების გამგეს ამხ. რევაზ მიხეილის ძე თედორაძეს მიენიჭოს საპატიო წოდება „საქართველოს სსრ კულტურის დამსახურებული მუშაკი“.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
 საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1600—XI

საქართველოს სსრ უმაღლესი საბჭოს პრეზიდიუმის ბრძანებულება

**32** ამხ. ს. პ. ნახიდაშვილისათვის „საქართველოს სსრ დამსახურებული მელიორატორის“ საპატიო წოდების მინიჭების შესახებ

წყალთა მეურნეობის სისტემაში ხანგრძლივი ნაყოფიერი მუშაობისათვის საქართველოს სსრ სახელმწიფო აგროსამრეწველო კომიტეტის რესპუბლიკურ-

რი საწარმოო გაერთიანება „სახწყალექსპლუატაციის“ ახალციხის მელიორაციისა და წყალთა მეურნეობის საწარმოო სამმართველოს უფროს ინჟინერს ამხ. სიმონ პავლეს ძე ნასყიდაშვილს მიენიჭოს „საქართველოს სსრ დამსახურებული მელიორატორის“ საპატიო წოდება.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.  
 საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 8 თებერვალი.

№ 1599—XI

საპარტიოლოს სსრ უმაღლესი საბჭოს პრეზიდიუმის ბრძანებულება

### 33 სამოქალაქო ავიაციის მუშაკთა ჯგუფისათვის საქართველოს სსრ საპატიო წოდებათა მინიშების შესახებ

საქართველოს სამოქალაქო ავიაციის სამმართველოს სისტემაში ხანგრძლივი ნაყოფიერი მუშაობისათვის მიენიჭეთ საპატიო წოდება:

„საქართველოს სსრ ტრანსპორტის დამსახურებული მუშაკი“

გიორგი ვასილის ძე ავალიშვილს — თბილისის გაერთიანებული ავიარაზმის ავიაციის ტექნიკოსს.

ალბერტ ხაჩიყის ძე ერიციანს — სოხუმის გაერთიანებული ავიარაზმის საფრენოსნო რაზმის უფროს ბორტმექანიკოსს.

გრიგოლ ივანეს ძე ვეკუას — სოხუმის გაერთიანებული ავიარაზმის მძღოლს.

ელბერდ ივანეს ძე ნუცუბიძეს — თბილისის გაერთიანებული ავიარაზმის საფრენოსნო რაზმის მეთაურს.

სილიბისტრო თომას ძე ჩოგოვაძეს — ქუთაისის გაერთიანებული ავიარაზმის ავიაციის ტექნიკოსს.

„საქართველოს სსრ დამსახურებული ინჟინერი“

ნოე ალექსის ძე წამალაშვილს — თბილისის გაერთიანებული ავიარაზმის მიწისზედა ნაგებობათა ექსპლუატაციის განყოფილების უფროსს.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი ვ. კვარაცხელია.

თბილისი, 1988 წლის 22 თებერვალი.

№ 1609—XI

## განყოფილება მისამი

### საპარტიველოს სსრ უმაღლესი საბჭოს პრეზიდიუმის სხდომა

25 თებერვალს გაიმართა საქართველოს სსრ უმაღლესი საბჭოს პრეზიდიუმის მორიგი სხდომა. სხდომამ განიხილა საკითხები: სკკპ XXVII ყრილობის გადაწყვეტილებათა შესაბამისად ქალაქის სოციალურ-ეკონომიკური განვითარების, მოსახლეობის საბინაო-საყოფაცხოვრებო პირობების გაუმჯობესებისათვის ბათუმის სახალხო დეპუტატთა საქალაქო საბჭოს, მისი აღმასკომის მუშაობის შესახებ; „სკკპ XXVII ყრილობის მიერ შემუშავებული გარდაქმნის კურსის შესაბამისად ხელისუფლების ადგილობრივი ორგანოების საქმიანობაში დეპუტატთა აქტიურობის გაძლიერების მიზნით ყველა საფეხურის სახალხო დეპუტატთა საბჭოების დეპუტატთა შეკრებების ჩატარების პრაქტიკის შესახებ“ საქართველოს სსრ უმაღლესი საბჭოს პრეზიდიუმის 1987 წლის 27 აგვისტოს დადგენილების შესრულების თაობაზე და სხვ.

განხილულ საკითხებზე მიღებულია შესაბამისი დადგენილებები.

### საპარტიველოს სსრ უმაღლესი საბჭოს მუდმივი კომისიების სხდომები

საქართველოს სსრ უმაღლესი საბჭოს საბინაო-კომუნალური და საქალაქო მეურნეობის კომისია, რომელმაც მოისმინა საკითხი საქართველოს სსრ მეთერთმეტე მოწვევის უმაღლესი საბჭოს მეექვსე სესიის გადაწყვეტილებათა შესაბამისად საბინაო მშენებლობის გეგმების შესრულების, საქალაქო და საბინაო-კომუნალური მეურნეობის განვითარების საქმეში ფოთის სახალხო დეპუტატთა საქალაქო საბჭოს აღმასკომის მუშაობის შესახებ, აღნიშნავს, რომ ფოთის სახალხო დეპუტატთა საქალაქო საბჭოს აღმასკომი, საბჭოს საბინაო-კომუნალური მეურნეობისა და კითილმოწყობის მუდმივი კომისია მეექვსე სესიის გადაწყვეტილებათა შესაბამისად ახორციელებენ გარკვეულ ღონისძიებებს, რომლებიც გამიზნულია ბინათმშენებლობის გეგმების შესრულების, საბინაო ფონდის მოვლა-პატრონობისა და მოსახლეობის კომუნალური მომსახურების გაუმჯობესებისათვის.

საქალაქო საბჭოს აღმასკომი პერიოდულად ანალიზებს საბინაო ფონდის გაზრდის, კომუნალური მომსახურების მდგომარეობის საკითხებს, განიხილავს მათ თავის სხდომებსა და საბჭოს სესიებზე, ახორციელებს ღონისძიებებს საგეგმო დაავალბათა შესასრულებლად.

ამჟამად ქალაქი ძირითადად უზრუნველყოფილია სასმელი წყლით. ფართოვდება საკანალიზაციო ქსელი, შენდება სატუბში სადგურები, ეწყობა კოლექტორები, ფუნქციონირებს 48 საქებაზე, რომლებიც გათბობით უზრუნველყოფენ საბინაო ფონდის 90 პროცენტს. ქალაქის გამწვანებისათვის გამოყოფილი თანხები მთლიანად ხმარდება ამ სამუშაოებს.

ამასთან, როგორც წარმოდგენილი მასალების ანალოზი ცხადყოფს, ქალაქში სათანადოდ არ სრულდება კანონმდებლობის მოთხოვნები საბინაო ფონდის დაცვა-შენახვის უზრუნველყოფისა და მოქალაქეთა საბინაო პირობების გაუმჯობესების შესახებ.

დაბალია ქ. ფოთის ბინათმშენებლობის ტემპი, 1987 წელს 12 საცხოვრებელი სახლის მშენებლობაზე გამოყოფილი 3987 ათასი მანეთიდან ათვისებულია მხოლოდ 2169 ათასი მანეთი, ანუ 54 პროცენტი. მართალია, 1987 წელს გეგმით გათვალისწინებული 6 სახლიდან საექსპლუატაციოდ ექვსივე გადაეცა, მაგრამ დანარჩენ 6 გარდამავალ ობიექტზე გეგმა შესრულებულია მხოლოდ 8,5 პროცენტით. დაბალია შესრულებული სამუშაოების ხარისხი.

ქ. ფოთის საბინაო-საექსპლუატაციო კანტორის ბალანსზე ირიცხება 74 საცხოვრებელი სახლი. საბინაო ფონდის საბალანსო ღირებულებაა 20.104,1 ათასი მანეთი, ხოლო დებიტორული დავალიანება შეადგენს 77,7 ათას მანეთს, რაც გამოწვეულია იმით, რომ არ მიმდინარეობს სათანადო მუშაობა ბინის ქირის დავალიანების ამოღებისათვის.

ძალზე მძიმე მდგომარეობაში არიან ინდივიდუალური სახლების ბინათმფლობელები. სახლების მშენებლობისა თუ შეკეთებისათვის გამოყოფილი გრძელვადიანი სესხი არასაკმარისია და ვერ აკმაყოფილებს მოთხოვნას.

წლიდან წლამდე ქ. ფოთში საბინაო ფონდის კაპიტალური რემონტი ტარდება არაორგანიზებულად, შესაკეთებელი სახლების შერჩევა ხდება არა საბინაო ფონდის ტექნიკური მდგომარეობის გამოკვლევისა და გეგმური და რიგგარეშე დათვალიერების მასალების მიხედვით, არამედ წარმოებს თვითნებურად. სატიტულო სიით გათვალისწინებული 28 სახლის ნაცვლად სამუშაოები ჩატარებულია 45 საცხოვრებელ სახლზე, აქედან 10-ზე — ტექნოკუმენტაციის გარეშე. რიგ შემთხვევებში კაპიტალური რემონტის სახსრებით შესრულებულია მიმდინარე რემონტის სამუშაოები. არ ხდება სახლების სრულ ტექნიკურ მდგომარეობაში მოყვანა. 45 სახლიდან მხოლოდ 20 სახლზეა გაფორმებული მიმღები კომისიის აქტი, შესრულებული სამუშაოების ხარისხი დაბალია, კომისიის მიერ მიღებულია უხარისხოდ შესრულებული ობიექტები.

საბინაო ფონდის მიმდინარე რემონტი ობიექტების მიხედვით წინასწარ არ იგეგმება წლის დასაწყისში, მიმდინარე რემონტზე დასაქმებულ მუშებს დავალება არ ეძლევათ განწყისის მიხედვით.

მართალია, ინტენსიური მუშაობა მიმდინარეობს ქალაქის საკანალიზაციო ქსელის მშენებლობა-გაფართოებისათვის, მაგრამ მშენებლობა უხარისხოა, არის კოლექტორებისა და სათვალთვლო ჭებების ჩანგრევის, კოლექტორებში გრუნტის წყლების შეჟონვის ფაქტები, რაც ხელს უშლის სატუმბოების გამართულ მუშაობას (სამუშაოებს აწარმოებს ტრესტ „კოლხეთმშენის“ № 2 მოძრავ-მექანიზებული კოლონა).

შეფერხებებია ელექტროენერგიით მომარაგებაში, რაც გამოწვეულია სატრანსფორმატორო ქვესადგურების გაუმართავი მუშაობით. ხშირად ზიანდება მაღალი და დაბალი ძაბვის კაბელები.

ნაკლოვანებებია აგრეთვე საცხოვრებელი სახლების გათბობით უზრუნველყოფის საქმეში.

არადამაკმაყოფილებელია ქალაქის სანიტარიული მდგომარეობა, იგვება მისი მხოლოდ 60 პროცენტი. არსებული 8 ნაგვის გამტანი ავტომანქანა არ ყოფნის ქალაქს, სადაც თითქმის 60 ათასი მცხოვრებია.

საქალაქო საბჭოს დეპუტატები, საბინაო-საექსპლუატაციო უბნები და მოსახლეობა არ არიან საკმარისად მობილიზებული სახლების მიმდებარე ტერიტორიების კეთილმოსაწყობად, სისტემატურად არ ტარდება დათვალიერება-კონკურსი „საუკეთესო სახლის, ეზოს, ქუჩის“ წოდების მოსაპოვებლად.

ბინათმშენებლობისა და საბინაო ფონდის მოვლა-პატრონობის შესახებ კანონმდებლობის დაცვისათვის გაწეულ მუშაობაში არსებული ნაკლოვანებები მნიშვნელოვნად განპირობებულია იმ გარემოებით, რომ ფოთის სახალხო დეპუტატთა საქალაქო საბჭოს აღმასკომი ვერ ასრულებს კანონით მინიჭებულ უფლებამოსილებას, არ ახორციელებს სათანადო კონტროლს სარემონტო-სამშენებლო ორგანიზაციების საქმიანობისადმი.

საქართველოს სსრ უმაღლესი საბჭოს საბინაო-კომუნალური და საქალაქო მეურნეობის კომისიამ საჭირო რჩევა მისცა ფოთის სახალხო დეპუტატთა საქალაქო საბჭოს აღმასკომს, საქართველოს სსრ საბინაო-კომუნალური მეურნეობის სამინისტროს, საქართველოს სსრ მშენებლობის სამინისტროს, საქართველოს სსრ ნავთობპროდუქტებით მომარაგების სახელმწიფო კომიტეტს, „საქმთავარენერგოს“, სსრ კავშირის შემსახველი ბანკის საქართველოს რესპუბლიკურ ბანკს და საქართველოს სსრ მოსახლეობის საყოფაცხოვრებო მომსახურების სამინისტროს.

\* \* \*

ამავე კომისიის სხდომაზე მოისმინა საქართველოს სსრ საბინაო-კომუნალური მეურნეობის მინისტრის მოადგილის ამხ. ა. ყურაშვილის ინფორმაცია კომუნალური მეურნეობის განვითარების საკითხებზე საქართველოს სსრ მეთერთმეტე მოწვევის უმაღლესი საბჭოს დეპუტატებისათვის ამომრჩეველთა მიერ მიცემული განაწესების შესრულების მიმდინარეობის შესახებ. აღინიშნა, რომ სამინისტროს სახელზე 1985 წლიდან დღემდე შემოსული 23 განაწესიდან შესრულებულია 5, ხოლო 6-ის განხორციელება ნაგარაუდგევია მიმდინარე წელს.

წალკის, ლენტეხის, თელავისა და სხვა რაიონების ამომრჩეველთა მიერ დეპუტატებისათვის მიცემული 12 განაწესის განხილვა, როგორც საქართველოს სსრ საბინაო-კომუნალური მეურნეობის სამინისტრო განმარტავს, იწარმოებს 1989-1990 წლების დაპროექტება-მშენებლობის გეგმების ფორმირებისას. ამასთან ხაზგასმით აღინიშნა, რომ ძალზე გაჭიანურდა მესტიის რაიონის მოსახლეობის მიერ დეპუტატ ლ. ნიყარაძისათვის მიცემული განაწესი მესტიაში კანალიზაციისა და ცენტრალური თბოქსელის დაპროექტებისა და მშენებლო-

ბის თაობაზე. (საკითხი სამინისტროს მიერ განხილულ იქნება 1989-1992 წლებში).

მონაცემები ცხადყოფენ, რომ განაწესების შესრულების ტემპი არადამაკმაყოფილებელია, რაც იწვევს დეპუტატებისა და მოსახლეობის სამართლიან უკმაყოფილებას. ასე მაგალითად, დეპუტატი ვ. კოჩოიანი იტყობინება, რომ ჯერ კიდევ 10 წლის წინათ შედგენილი საპროექტო-სახარჯთაღრიცხვო დოკუმენტაცია ქ. ბოგდანოვკის საკანალიზაციო კოლექტორის მშენებლობის შესახებ დღემდე შეუსრულებელია. სამინისტროს განაცხადებით ეს საკითხი განხილული იქნება 1989 წლის გეგმის ფორმირებისას. მიუხედავად არაერთი დაპირებისა, წლების მანძილზე დადებითად არ წყდება მის მიერვე დასმული საკითხი საბინაო-კომუნალური მეურნეობის სამინისტროს მიერ ქ. ბოგდანოვკაში საცხოვრებელი სახლის მშენებლობის თაობაზე. რაიონული ცენტრის ასობიჯოჯახი მწვავედ განიცდის უბინაობას.

ჭიანურდება თვით საბინაო-კომუნალური მეურნეობის მინისტრის დეპუტატ ნ. ნეფედოვისათვის წალკის რაიონის ამომრჩევლების მიერ მიცემული განაწესი წალკაში საკანალიზაციო ქსელის რეკონსტრუქციის თაობაზე.

ნაკლოვანებებია ბინათმშენებლობის საკითხებზე ამომრჩეველთა განაწესების რეალიზაციის საქმეშიც. მაგალითად, არ განხორციელებულა შესასრულებლად მიღებული განაწესი 1986 წლიდან დაწყებული ქ. თელავში ყოველწლიურად 60-ბინიანი საცხოვრებელი სახლის მშენებლობის შესახებ.

საქართველოს სსრ უმაღლესი საბჭოს საბინაო-კომუნალური და საქალაქო მეურნეობის კომისიამ საქართველოს სსრ საბინაო-კომუნალური მომსახურების სამინისტროს ინფორმაცია მიიღო ცნობად და რჩევა მისცა მას ამომრჩეველთა განაწესებზე მუშაობაში განუხრელად იხელმძღვანელოს საქართველოს სსრ უმაღლესი საბჭოს პრეზიდიუმის დებულებით საქართველოს სსრ რესპუბლიკაში ამომრჩეველთა განაწესებზე მუშაობის ორგანიზაციის შესახებ და შეიმუშაოს დამატებითი ღონისძიებანი აღნიშნული განაწესების მეთორმეტე ხუთწლედში განსახორციელებლად.

• • •

თავის სხდომაზე კომისიამ განიხილა აგრეთვე საკითხები: „საქალაქო მეურნეობის მატერიალურ-ტექნიკური ბაზის განმტკიცებისა და მოსახლეობის კომუნალური მომსახურების გაუმჯობესებისათვის მარნეულის სახალხო დეპუტატთა საქალაქო საბჭოს აღმასკომის მუშაობის შესახებ“ კომისიის 1986 წლის 12 ივნისის გადაწყვეტილების შესრულების მიმდინარეობის თაობაზე და საქართველოს სსრ უმაღლესი საბჭოს საბინაო-კომუნალური და საქალაქო მეურნეობის კომისიის წევრის დეპუტატ დ. ი. ხუტაშვილის ინფორმაცია თავისი სადებუტატო მოვალეობის შესრულების შესახებ.

სახალხო სასამართლოს სახალხო მოსამართლის არჩევნები

საქართველოს სსრ უმაღლესი საბჭოს პრეზიდიუმმა თავის 1988 წლის 4 თებერვლის ბრძანებულებებით დაადგინა: „საქართველოს სსრ სასამართლო წყობილების შესახებ“ საქართველოს სსრ კანონის 73-ე მუხლის შესაბამისად განთავისუფლდეს ამხ. კუკური ივანეს ძე კოჟორაძე ხაშურის რაიონის სახალხო სასამართლოს სახალხო მოსამართლის მოვალეობის შესრულებისაგან პირადი განცხადების საფუძველზე და „საქართველოს სსრ რაიონული (საქალაქო) სახალხო სასამართლოების არჩევნების შესახებ“ საქართველოს სსრ კანონის 54-ე მუხლის შესაბამისად ხაშურის რაიონის სახალხო სასამართლოს სახალხო მოსამართლის არჩევნები დაინიშნოს კვირას, 1988 წლის 6 მარტს.